



UNDANG-UNDANG MALAYSIA

VERSI DALAM TALIAN TEKS
CETAKAN SEMULA YANG KEMAS KINI

Akta 413

AKTA TANAH TENTERA 1963

Sebagaimana pada 1 Februari 2014

Teks ini HANYA TERJEMAHAN oleh Jabatan Peguam Negara, bagi *Service Lands Act 1963*. Melainkan jika dan sehingga ditetapkan sah di bawah subseksyen 7(1) Akta Bahasa Kebangsaan 1963/67 [Akta 32], teks ini bukan perundangan.

AKTA TANAH TENTERA 1963

Pertama kali diperbuat 1963 (Akta No. 35 tahun
1963)

Disemak 1989 (Akta 413 m.b.p.
28 Disember 1989)

UNDANG-UNDANG MALAYSIA**Akta 413****AKTA TANAH TENTERA 1963**

SUSUNAN SEKSYEN

Seksyen

1. Tajuk ringkas dan pemakaian
2. Mengeluarkan penduduk yang menyalahi undang-undang di tanah yang digunakan bagi maksud angkatan Persekutuan
3. Pemerbadanan Lembaga Tanah Tentera United Kingdom

UNDANG-UNDANG MALAYSIA

Akta 413

AKTA TANAH TENTERA 1963

Suatu Akta untuk membuat peruntukan bagi mengusir orang yang menduduki secara menyalahi undang-undang mana-mana tanah yang digunakan atau akan digunakan bagi maksud mana-mana angkatan Persekutuan dan untuk memperbadankan Lembaga Tanah Tentera United Kingdom.

[1 November 1963]

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

Tajuk ringkas dan pemakaian

1. (1) Akta ini bolehlah dinamakan Akta Tanah Tentera 1963.
- (2) Akta ini hendaklah terpakai di *Semenanjung Malaysia sahaja.

Mengeluarkan penduduk yang menyalahi undang-undang di tanah yang digunakan bagi maksud angkatan Persekutuan

2. (1) Seksyen ini terpakai bagi tanah-tanah yang digunakan atau akan digunakan bagi maksud mana-mana angkatan tentera, laut atau udara Persekutuan.

*CATATAN—*Lihat* segala sebutan tentang “Malaysia Barat” hendaklah disifatkan sebagai sebutan tentang “Semenanjung Malaysia” – *lihat* Akta Tafsiran (Pindaan) 1997 [Akta A996], subseksyen 5(2).

(2) Mahkamah Majistret, atas maklumat Pengarah Tanah dan Galian atau orang yang diberi kuasa olehnya bahawa terdapat mana-mana orang yang menduduki secara menyalahi undang-undang mana-mana tanah yang kepadanya seksyen ini terpakai, boleh mengeluarkan saman terhadap orang yang terhadapnya maklumat itu diberi untuk hadir di Mahkamah; dan dengan kehadirannya kerana saman itu atau (dengan ketidakhadirannya) dengan adanya bukti penyampaian saman itu, Mahkamah boleh secara terus mendengar dan menentukan maklumat itu.

(3) Jika atas pendengaran maklumat itu, mahkamah berpuas hati mengenai kebenaran maklumat itu, mahkamah hendaklah melalui waran menghendaki mana-mana pegawai polis yang dinyatakan dalam waran itu menyingkir dan mengeluarkan dengan serta-merta orang tersebut dahulu daripada tanah itu, dan bagi pihak Pesuruhjaya Tanah Persekutuan mengambil milikan tanah itu serta semua tanaman yang tumbuh di atasnya dan semua bangunan dan harta tak alih lain di atas dan terlekap pada tanah itu; dan waran itu bolehlah dilaksanakan oleh mana-mana pegawai polis yang kepadanya waran itu disampaikan, sama ada waran itu dialamatkan kepadanya atau tidak.

Pemerbadanan Lembaga Tanah Tentera United Kingdom

3. (1) Bagi maksud memegang tanah di Malaysia bagi pihak kerajaan United Kingdom menurut apa-apa perjanjian berhubungan dengan pertahanan, dan maka hendaklah ditubuhkan suatu pertubuhan perbadanan dengan nama Lembaga Tanah Tentera United Kingdom yang kekal turun temurun dan mempunyai meterai biasa dan terdiri daripada orang yang boleh dari semasa ke semasa dinamakan bagi pihak kerajaan itu.

(2) Lembaga Tanah Tentera United Kingdom hendaklah mempunyai kuasa untuk mengawal selia prosidingnya sendiri (termasuk kuorum), dan apa-apa dokumen yang berupa dokumen yang telah dilaksanakan di bawah meterai Lembaga itu hendaklah dianggap telah dilaksanakan dengan sempurna melainkan jika yang sebaliknya ditunjukkan.

UNDANG-UNDANG MALAYSIA**Akta 413****AKTA TANAH TENTERA 1963****SENARAI PINDAAN**

Undang-undang yang meminda	Tajuk ringkas	Berkuat kuasa dari
P.U. (B) 324/1970	Pemberitahuan Di Bawah Seksyen 3 Ordinan Nama Jawatan 1949	01-01-1970
Akta A996	Akta Tafsiran (Pindaan) 1997	24-07-1997

UNDANG-UNDANG MALAYSIA**Akta 413****AKTA TANAH TENTERA 1963****SENARAI SEKSYEN YANG DIPINDA**

Seksyen	Kuasa meminda	Berkuat kuasa dari
2	P.U. (B) 324/1970	01-01-1970
